



Selasa, 02 Juli 2024
Ogen: Lukas 14:28-30



Erbahan Rencana Anggaran



Keperlun kegeluhen erbage-bage rikutken situasi ras kondisi nandangi sekalak jelma. Buaten lit pe erbage-bage ka si ialoken rikutken pendahinta sekalak-sekalak. Erpalasken kata enda, perlu kel kita erbahan anggaren perencanaan si bakal sidahiken kita. I bas kai pe perlu lit rencana, adi sura-suranta erbahan sada usaha perlu lit perencanaan rikut ras anggaren dana si iperluken. Adi ateta nekolahken anak seh ku tingkat master entah doktorna e pe perlu perencanaan. Perluna erbahan anggaren dana i bas perencanaan gelah ula sempat kita kemalun. Lukas 14:28-30 pe ituliskan kerna perluna erbahan anggaren biaya ope lenga erbahan menara/perencanaan, sebabna adi la ibahan anggaren biaya banci jadi kai si irencanakan la tersehi. Umpamana lit sura-suranta erbahan rumah; jenari rencananta rumah e tingkat dua; tentuna la seri anggaren si iperluken adi rumah si ate i bangun la ertingkat. Bage me perluna erbahan anggaren ope denga erbahan perencanaan.

Erbahan rencana anggaren rikutken tema paksa tenengta tetap ningetken kita Moria gelah penter ngaturken keuangan dengen erbahan anggaren dana guna kebutuhan jabunta. Melala kel kebutuhan-kebutuhan teptep jabuta; baik untuk kebutuhan rumah tangga, kebutuhan sekolah/kuliah anak-anak, kebutuhan guna kegiatan gerejani (perpuluhen, adangen diakonia ras kerja rani), kebutuhan pribadi (pulsa, kosmetik, fashion rsd) bage pe kebutuhan sosial (kerja suka-duka). I bas bage buena kebutuhan-kebutuhan si merluken dana bage ka me pentingna lako erbahan rencana anggaren. Iarapken arah renungen e, kita pentar ngaturken perduiten rumah tangganta. Labo lit si kurang adi pentar makekensa. Lit kerina bagin-baginna sue ras keperlun. Pelebelah kai siperluna, gelah la ketunduken.

"Sibanlah rencana anggaren dana i bas jabunta"